

ASIA FOUNDATION

Vizaun Jerál kona-ba Organizasaun no Aprosimasaun kona-ba Jéneru

Asia Foundation, ne'e ajénsia internasionál ida ne'ebé harii iha 1954 no simu fundus husi kompañia, fundasaun, governu no ema individual sira iha Estados Unidos, Europa no Azia, no mós Kongresu Amérika nian. Asia Foundation nia preokupasaun mak atu fó apoiu hodi dezenvolve instituisaun hirak iha rejiaun Azia no Pasífiku ne'ebé nia identifika hanesan halo parte iha demokrátiku, no funsaun estadu nasaun nian. Iha Timor-Leste apoiu ne'e mosu hanesan rezultadu husi importánsia ne'ebé nia fó ba programa sira iha area legal, lejislativu, ekonómiku no manejamentu konfliktu nian no mós feto nia emansipasaun.

Hahú nia programa iha Timor-Leste iha 1992 no harii nia eskritóriu ida iha Dili iha 2000, Asia Foundation servisu uluk nanain ho Governu Timor-Leste no NGO sira no fó apoiu ba sira.

Nia programa iha nasaun ne'e simu fundus husi USAID.

Servisu barak ne'ebé Asia Foundation halo iha area jéneru ninian buka atu aseguira katak feto sira hetan asesu ba prosesu legal sensitivu jéneru ninian. Ajenzia ne'e nia preokupasaun boot liu mak violénsia hasoru feto, liu-liu kona-ba prosesu legal, hanesan ezemplu: aseguira katak feto sira hetan apoiu husi advogadu sira ne'ebé kompetente kona-ba feto nia direitu no sensitivu ba nesesidade sosial ne'ebé feto mak sai sujeitu ba violencia.

Iha 2006, Asia Foundation kria pozisaun ida ba Jéneru nia Pontu Kontatu (Gender Focal Point), ne'ebé oras-ne'e daudaun asistente programa senior ida mak hala'o knaar ne'e. *Gender Focal Point* ne'e halo ligasaun ho parseiru sira no organizasaun sira ne'ebé servisu-lisuk iha problema jéneru ninian, no fó apoiu ba programa Asia Foundation nia esforsu atu jeneraliza konsiderasaun ba jéneru.

Programa

Asesu ba Justisa

Asia Foundation hateten katak nia fó apoiu ba “feto nia partisipasaun ativa iha dezenvolvimentu Timor-Leste ninia aspetu hotu-hotu” (Asia Foundation, *East Timor, Program Overview*, 2006, p. 2). Asia Foundation nia programa *Access to Justice* (Asesu ba Justisa) ne'ebé hahú iha 2003, reflète objetivu ida-ne'e liu husi apoiu ne'ebé nia fó atu dezenvolve sistema justisa ida ne'ebé funsionál no independente no promove sidadaun sira-nia asesu ba justisa. Kona-ba jéneru, programa ne'e suraho servisu ne'ebé Asia Foundation uluk hala'o, ne'ebé hatudu katak kazu sivil no krimínál barak liu envolve arguidu mane, maibé feto sira ladun iha oportunidade atu hetan akompañamentu husi advogadu sira. Avaliasaun interna mos hatudu katak feto sira-nia asesu ba justisa limitadu tebes.

Atu hadia feto sira-nia asesu ba justisa, hakat dahuluk ne'ebe foti mak fo apoiu treinamentu ba advogadu feto nain rua husi Universitas Indonesia. Advogadu rua ne'e agora servisu ho instituisaun sira ne'ebé fó assisténsia legal iha unidade sira ne'ebe haknar-an iha area jéneru. Asia Foundation buka mós organizasaun sira ne'ebé mak bele fó apoiu ba feto sira iha kazu sivil no krimínál. Organizasaun ne'e iha mós interese boot atu aseguira katak servisu hirak ne'ebé fó assisténsia legal fornese mós servisu ne'e iha tribunal haat iha Timor-Leste (Dili,

Suai, Baucau no Oecusse) no nia halo ona servisu ho organizasaun sira seluk atu buka fasilita ne'e.

Husi parseria inisial ne'ebe harii dezenvolve ona rede ida ba instituisaun sira ne'ebé fó assisténsia legal atu fó apoiu ba fetu no labarik sira-nia nesesidade espesífiku. Asia Foundation fornese apoiu institusional, avaliasaun no monitorizasaun, ekipamentu no treinamentu ba parseiru sira-ne'e. Nia fornese mós rede koordenasau, liu husi apoiu administrativu, fasilitasaun ba reuniaun regular, promosaun no produsaun material ninian. Asia Foundation nia parseiru NGO prinsipal sira inklui FOKUPERS nia Divizaun ne'ebé Lida ho Kazu, JSMP nia Servisu Apoiu ba Vítima no Yayasan HAK nia Divizaun ne'ebé Lida ho Kazu. Parseiru hirak ne'ebé fó assisténsia legal inklui LBH Fortuna, LBH Liberta, LBH Tane Timor, LBH Timor Leste no LBH Ukun Rasik An. Organizasaun sira-ne'e kolabora malu no refere kazu ba malu, tuir sira idaidak nia espesialidade legal no area jeográfika ne'ebé sira fó atensaun ba. Rede ne'e hametin mós ligasaun ho polisia no organizasaun fetu sira.

Asesu ba Justisa programa ida ne'ebe foin dezenvolve hanesan Ekipa Klínika Móvel (Mobile Team Clinic). Ekipa ne'e nia membru barak mai husi instituisaun sira ne'ebé fó assisténsia legal, fulan-fulan nia halo vizita ba distritu sira atu halibur kazu sira ne'ebé mak mosu iha período ne'e. Klínika ne'e fó mós tulun atu haree oinsá mak bele hakotu kazu sira - liu husi mediasaun lokal ka husi prosesu tribunal ninian. Ba kazu sira ne'ebe mak todan tuir sistema tribunal ninian. Ekipa ne'e dala-barak husu ba autoridade lokal sira hanesan xefi suku mak foti dezisaun ba problema sira ne'ebé klasifika hanesan kazu sivil. Asia Foundation fiar katak ho matadalan no apoiu ne'ebé ekipa klínika ne'e fó ba prosesu mediasaun nian, ne'ebé mane mak domina, típiku rezultadu mak oras ne'e iha fo liu konsiderasaun ba fetu sira-nia nesesidade no direitu. Iha kazu kriminál sira ne'ebé envolve fetu vítima, hanesan violénsia doméstika, klínika ne'e rekomenda atu lori ba tribunal no asegura apoiu tomak, husi transporte, hela-fatin, despeza, akompañamentu ba tribunal no opiniaun ba sistema legal.

Projetu Ekipa Klínika Móvel ne'e presiza envolve makaas iha comunidade. Uluk nanain nia harii relasaun ho autoridade lokal sira-nia estrutura atu bele hetan asesu ba comunidade. Hafoin, nia emprega fetu lokal sira ne'ebé hetan ona graduasaun husi universidade atu servisu hodi halo ligasaun entre comunidade no klínika ne'e no fó apoiu ba servisu administrasaun ninian.

Programa *Asesu ba Justisa* fó servisu apoiu ba vítima sira husi violénsia ne'ebé bazeia ba jéneru iha kampu dezlokadu durante krizi 2006, no bele hanaruk no formaliza servisu ne'e ba futuro.

Seluk

Alende programa *Asesu ba Justisa*, Asia Foundation hala'o mós programa kona-ba jéneru husi forma sira seluk. Iha 2005 no 2006, organizasaun ne'e servisu ho GAPI hodi fó treinamentu pilotu kona-ba violénsia doméstika ba xefi suku sira, lider juventude no organizasaun fetu sira iha Lospalos no Baucau. Asia Foundation fó mós apoiu ba FOKUPERS nia servisu kona-ba mediasaun no advokasia, no treinamentu kona-ba dezenvolve jestaun instituisaun nian no finanseiru ba Rede Fetu. Liu husi nia programa kona-ba subsidiu jerál, Asia Foundation fó apoiu mós orsamentu ba Segundu Kongresu Nasionál Fetu Timor-Leste nian. The Asia Foundation fó mós apoiu ba Alola Foundation no parseiru seluseluk atu estabelese dadus referénsia nian kona-ba tráfico fetu nian no estratéjia anti-tráfico sira.

Kontaktu

Post: PO Box 3, Dili, Timor-Leste (via Darwin, Australia)
Tel: (670) 3323855
Email: info@alolafoundation.org
Website: <http://www.alolafoundation.org>
Address: near Mercado Lama, Dili

Husi: Trembath, Anna no Damian Grenfell, Mapa ba Lala'ok Buka Igualdade Jéneru:Atividade Ajénsia La Governamentál no Internasionál nian iha Timor-Leste, Globalism Institute, RMIT University, Dili, July 2007, ISBN 978-0-646-47770-1, pp. 19-21.